

## Autor Muzika "Xanana Abut Timor Nian" Sei Lanca Muzika Foun

Contributed by Domingos da Silva  
Thursday, 18 March 2010  
Last Updated Thursday, 18 March 2010

CJITL Flash, Natalino dos Santos, eis jurista Timor oan ida ne'ube servisu iha Tribunal durante tinan 16 hahu tempu okupasaun Indonezia, molok ikus mai sai nu'udar deputado ida tur iha parlamentu nasional hodi reprezenta bankada CNRT sei lansa tan muzika foun iha 2012 konaba Xanana Gusmao, Ramos Horta no Falintil.

Nu'udar deputado loraik &ndash; loraik tenki halo vida politika hodi debate konaba asunto povu nian liu husi halo lei no fiskalizasaun.

Anata, nu'udar naran istima husi deputado ne'ube sempre simu diak jornalista bainhira hakarak husu atu halo entrevista.

Hanesan La'sten ba Ana Filomena Christina, aleim de hanesan politiku ida nia mos hanesan Xefe familia iha uma laran.

&ldquo;Hau nudar Xefe de Familia hau mos eduka hau nia oan estuda no oinsa aban bainrua moris sai diak, nune'ube mos hare uma laran&rdquo; hateten Natalino ba reporter CJITL iha nia servisu fatin, Parlamentu Nasional, Kuarta, loraik 17 Marcu.

Bainhira fila ba uma, Natalino uja nia tempu loraik no kalan hodi le livru konaba politiku no mos akompanya noticia iha Televizaun Timor Leste.

&ldquo;Dalaruma hau fila ba uma hau le livru politiku no dezvoltamentu barak li-liu konaba lei sira ne'ube, tamba ho lian portugues buat ne'ube mak hau la hatene tenke buka fila fali ho dicionariu hodi bele komprende&rdquo; Natalino hateten ho hamnasa oitao.

&ldquo;Hau mos fo tempu atu akompanya TVTL para hare informasaun iha ita nia rai laran ne'ube, no gosta mos rona Radio hanesan Radio Voz no Radio Timor Kmanek &ndash; RTK&rdquo; Natalino konfesa tan.

Iha Tempu Indonezia, Natalino mos lanca nia muzika ida ne'ube oras ne'ube toka bebeik iha radio sira ho titulu &ldquo;Xanana Riku Abut Timor Nian&rdquo;.

&ldquo;Konaba muzika iha tempu Indonesia nian hau halo muzika ida ho nia Titlu Xanana riku abut Timor Nian, e agora dadaun hau prepara hela muzika ida ba eleisaun 2012 nian, ho nia titlu ida konaba Xanana Lideransa masimu, Ramos Horta hanesan Frente Diplomatika, Falintil nudar forsa halo funu iha Ailaran, no Juventude As'wain ne'ube halo funu iha Vila laran, muzika ne'ube mos hau sei kanta wainhira halo kampania iha 2012&rdquo; Natalino hateten ho konfiansa.

Katuas oan husi Ana Filomena Kristina informa katak Muzika ne'ube mos bele fanun fila fali nasionalismu Timor oan sira nian ba rai ida ne'ube para oinsa bele hadomi rai ida ne'ube to'o fim.

Natalino nu'udar mane ida ne'ube sempre halo tuir nia promesa.

Bainhira sei tu'ur iha Escola Sekundaria nia hakarak iha oan nain rua deit hakarak feto ida mane ida maske ikus mai oan nain rua ne'ube mesak mane deit.

Oan nain rua ne'ube ida naran Francisco Jo o Da costa dos Santos klase 5 no Vasco de Carvalho dos Santos klase 3 eskola iha Esternatu S o Jose.

&ldquo;Hau hakarak oan rua deit tamba hau hare liu ba sira nia futuru, hau hakarak sira nia futuru iha planeia ida ne'ube mak diak&rdquo; hateten aman ne'ube.

Aman husi oan nain rua ne'ube hatutan katak Konaba desportu hau gosta hare joga bola li-liu husi tim Portugal nian, bainhira Portugal sira joga hau buka tempu,para hau bele nonton.(Domingos Dasilva/CJITL)